
9 май – Хотира ва қадрлаш куни

Қадрли Данғараликлар!

Юртимизда 9 май – Хотира ва қадрлаш куни ҳамда Иккинчи жаҳон урушида қозонилган Ғалабанинг 77 йиллиги кенг нишонланмоқда.

Кексаларимиз, мўътабар отахон ва онахонларимизни рози қилиб, уларнинг табаррук дуоларини олиб, кекса авлод вакилларига эътибор ва ғамхўрликни кучайтириб, уларнинг ижтимоий таъминоти, тиббий хизматдан фойдаланиши, маиший шароитларини яхшилаш, қўллаб-қувватлаш ва эъзозлаш эътиборимиз марказида бўлиб қолади.

Мустақил Ватанимиз озодлиги, эл-юрт тинчлиги йўлида ҳалок бўлган жасур ҳарбийларимизнинг номларини ҳам ҳурмат ва эҳтиром билан эсга оламиз. Уларнинг оила аъзолари, фарзандларига эътибор ва ғамхўрлик кўрсатишни ўзимизнинг муқаддас бурчимиз деб биламиз.

Қутлуғ байрам кунларида, ям-яшил табиат бағрида, мусаффо осмон остида туриб, ҳар биримиз тинч ва осуда ҳаёт қадрини, аҳамиятини янада чуқурроқ ҳис этмоғимиз керак.

Зеро, тинчлик – энг буюк неъмат эканлигини унутмайлик.

Сизларни Хотира ва қадрлаш куни билан яна бир бор чин қалбдан табриклайман. Барчангизга сиҳат-саломатлик, хонадонларингизга файзу барака тилайман. Юртимиз тинч, халқимиз омон бўлсин.

2022-05-07 12:34:20